

An allm was zur Leibs narung ghört/
 An dem Wort Gottes dorin jr hört/
 Wie er sich in handel schicken sol/
 Wens im glücklichem gehet wol/
 Das er sich des nit vber nem/
 Vnd dencke auch wenn vnglück kem/
 Das er mit demut sey gefast/
 Wens vnglück kömpt wils auch sein gast
 So mus das glück gebn raum vnd stadt/
 Da es vor reichlich gwonet hat/
 Vnd können bey einander nicht sein/
 Das ein zeucht aus/ das ander ein/
 Obs schon dem Menschen nit gefelt/
 So hat es doch Gott so bestellt/
 Das er das glücke thut beseits/
 Schickt anfechtung jammer vnd Creuk/
 Das geschicht vns allen zu gut/
 Auff das der Herr sein probe thut/
 Vnd wo der Mensch in angst vnd not/
 Auch gdencken kan an vnsern Gott /
 Wenn er in mit vnglück besucht/
 Ist nit vnduldig schilt vnd flucht/
 Vnd gibt diesm oder jem die schuldt/
 So doch er solt haben gedult/

Wil